

Диёнат пойтахти

14:28 / 20.04.2017 5097

Ёш бир новда эрта тонгда дарахт бўлибди,
Буни кўрган набототлар карахт бўлибди.
Дунё узра таралмоқда гўзал бир садо:
Пойтахтимиз диёнатга пойтахт бўлибди!

Бу ҳолатдан маҳзун бўлиб йиғлар салиблар,
Кўкрагига шамол теккан шодон ғариблар!
Қадим Шошнинг шавкатини ёдга солиблар
Пойтахтимиз диёнатга пойтахт бўлибди!

Эй биродар, сиз ҳам бунда биз билан юринг,
Кўкалдош-у, Хастимом-ла бир сафда туринг.
Бухорий-ю, Термизийнинг давомин кўринг:
Пойтахтимиз диёнатга пойтахт бўлибди!

Хаёллардан ўтмасин ҳеч «бежиз сайлаган»,
Бу масканга уламолар меҳр бойлаган.
Кунни кеча мустабидга хизмат айлаган
Пойтахтимиз диёнатга пойтахт бўлибди!

«Ҳайя алал фалаҳ, дема мазористонда!»
Деб Отабек жар солмишдир ул ўткан кунда.
Бизни қутланг, қора булут тарқаган онда
Пойтахтимиз диёнатга пойтахт бўлибди!

Энди, дўстлар, теран кўз-ла боқиб ҳаётга,
Мос яшайлик бундан буён исломиятга!
Шунда шояд етишсак чин салоҳиятга -
Пойтахтимиз диёнатга пойтахт бўлибди!

Хайрулла Хамидов